

Pages vaudoises

Autor(en): **[s.n.]**

Objektyp: **Group**

Zeitschrift: **L'ami du patois : trimestriel romand**

Band (Jahr): **28 [i.e. 29] (2001)**

Heft 113

PDF erstellt am: **22.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Pages vaudaises

AMICALA DAI PATOISAN DE SAVEGNI, FORI ET EINVERON

Fîta de Tsalande

Quemet tî lè z'an, lè patoisan sè redzoyant de fîtâ Tsalande trétî einseimbllo aleinto d'onna balla sapalla rovilyeinta. L'è cein que l'ant fé lo deçando 16 dèceimbro 2000 à Pouâidâo dein lo gran pâilo de coumoûna. Irant lé mé dè 75 patoisan et ami dâi patoisan. Du que lâi avâi min de nâi su lè tserrâire sant vegnu du lliein, du pertot, tot conteint dè lâo retrovâ. Dama Madeleine Portset a contâ lo récit de la vegnâite âo mondo de l'Einfant Jésus, pu, lo menistro P. Guex a prîdzî et no z'a eincoradzî à no dèvortolyî dè noutra crouyondze, qu'è prâo granta, po pouâi tsantâ avoué lè z'andze. Lè Sansounet ant tsantâ Tsalande et lè z'hommo Sansounet ant tsantâ tot solet po lo premî coup. Foudrà que requeminçant binstoû po cein qu'on choeur d'hommo l'è bin bî d'à oûre ! Et pu, vîlhio et dzouveno (dâi dzouvenette dè 13 et 5 an) ant rëcitâ sein pi sè génâ.

Lè damè eimpâtâre avant preparâ on crâno petit-goûtâ avoué dâi bombenisse destrâ bounè que tsacon s'ein relètse onco lè pottè.

Lo presideint, François Lambelet de Pouâidâo, a sohitâ à tréti on dzoyâo Tsalande et onna tota bouna novall'annâie.

Po quant à mè, remâcho bin fè l'Ami du Patois que va tsî l'on, tsî l'autro portâ lè novî, lâi sohîto tot dè bon po l'an que vin.

Et pu : santâ et bounheu à noutron presideint Fanfoué Lambelet, qu'on lâi di "Fanfoué dâo hé" que vin de fîtâ sè 80 an !

M.-L. G.

Lo bus fantômo.

Lo Loyon, lo grandzî de la Bâra, l'ètâi syndico de Mollie-Derbon. Cein fasâi on bon bet de tein, bin pllie que dâotrâi législatûre, que l'ètâi lo syndico de clli galé velâdzo, . Oh! N'ètâi pas pè la mau que l'ètâi se tant sutî, mâ pllietoû du que lè dzein l'ètânt venu accotemâ de l'avâi po syndico. Quemeint desant: "Avoué lo Loyon no savein prâo cein que no z'ein. On outro sarâi pâo t'ître melliâo, mâ cein sè porrâi que sâi pî assebin. Adan, porquie tsandzî dâo momeint que no z'ein lo Loyon, âo fond, n'è pas se mau. Dinse, noûtron Loyon ètâi renommâ à tsaque yâdzo que l'âi avâi 'n' èlecchon. Lâi avâi bin z'u quauque menâie po lo débocâ, mâ lo Loyon savâi fére. Quand cheintâi que lo veint vâyâi, l'allâve pllie soveint à la pinta po payî dâi tomâie et l'ètâi bon. Son vesin, lo Mètsi de la Gadelle, on grand coo qu'avâi trêze botenîre à sè tsausse, l'arâi bin volyu ître syndico, mâ l'ètâi adî sècond et restâve municipau.

De quauque tein lâi avâi ôquie que bourlâve noûtron précaut de Mollie-Derbon. Tsaque matenâ, quand salyessâi de son ètrâblyo po s'ein allâ dèdjonnâ, vâyâi on petit bus dâi z'ècoule que passâve dèvant l'ottô. Vo sâide prâo, on de clliâo petit bus avoué 'na pancârta dzauna dèssu la quina sant dèssinâ dou z'ècoufî; de clliâo bus que transportant lè mousse d'on velâdzo à l'autro po lè menâ âo z'ècoule. Po sù que l'ètâi 'na galésa pemetta que menâve clli bus, tota soreseinta ein dèso de son tsapî rodze; fasâi adî bodzo avoué la tîta quand passâve dèvant lo syndico, mâ l'avâi min de mousse dein lo bus et, on quâ d'hâore pllie tâ, quand repassâve à travè lo velâdzo, lâi avâi adî nion dein lo bus. Lo Loyon l'avâi on sacré couson et se demandâve se l'erdzeint de la coumoûna l'ètâi pas ein train d'ître gaspelyî pè clli bus fantômo. L'ètâi que devâi binstoû avâi la tenâblyâ dâo conset généra et po sù que l'arâi on mâlin qu' allâve posâ 'na quiestion sutyâ po einmermedzî la municipalitâ.

Adan, noûtron Loyon téléphone âo Pierro-Yves Meylan, lo précaut dâi z'ècoule d'Etsallein et einveron:

" Dite-mè vâi, Monsu lo diretteu, qu'è-te-cein po on affère que clli bus vouïdo que travèsse mon velâdzo tsaque matenâ?

- quin bus ?

- sti bus dzauno avoué 'na damusalla po lo menâ

- et vo mè dite que l'è adî vouïdo? M'ein vé mè reinseignî, vo rappelerâi tantoû.

On poû pllie tâ, lo diretteu (lo PYM quemeint li diant) rappele et espplique tot l'affère âo syndico. Adan, lo leindèman, vâitcé noûtron syndico qu'atteindâi lo bus, aguelyî dèssu son tracteur. Lo Loyon fu bin maulèbayî de cein que vâyâi d'ein amont de sa matsene, lo bus l'ètâi plliein à tsavon de pitit z'ècoufî et z'ècoufîre, mâ, l'îrant se petit que lâo tîte ne dèpassâvant pas lè fenître. L'è dan po cein que noûtron l'homme de coumounâ ne pouâve pas lè vère quand l'ètâi debet decoûte la tserrâire.

Metsî dâi Rionzonne

RESUME : "Il s'agit des soucis du Syndic d'un village vaudois qui voit plusieurs fois par jour un bus scolaire passer à vide devant sa ferme. Il s'en ouvre au Directeur des écoles qui, après s'être renseigné lui conseille d'assister au passage du bus, juché sur son tracteur. De ce perchir, il aperçoit à l'intérieur du bus toute une troupe de petits enfants des écoles enfantines, mais à la taille si menue que leur tête ne dépasse pas le bord inférieur des fenêtres du véhicule".

Le vigneron et le pasteur

Il était un vieux vigneron
habitant tout près de l'église
n'en franchissant pas le perron,
ayant du pasteur la hantise,
le pasteur étant abstinent
recommandant de ne point boire.
Un jour, le pasteur imprudent
oublia pour son oratoire
de quérir pour la communion
du vin, comme c'en est l'usage,
s'en fut en toute discrétion
à la cave du voisinage
demander pour le lendemain
un grand pot de ce saint breuvage.
Le vigneron dit: "Je veux bien
rendre service, mais pour gage
je vous demande de trinquer
un verre au guillon de ma cave
pour que vous puissiez m'indiquer
le vin qu'il faut pour le conclave
A trois tonneaux l'on dégusta
trois coups chaque fois d'eau bénite
et le pasteur longtemps resta
dans ce très sympathique gîte.
Dès lors ce fut un converti
buvant de la boisson divine
et souvent il se divertit
en la bonne cave voisine.

Lo vegnolan et lo menistre

L'étâi on vilyo vegnolan
que demorâve tot profitso dâo motî.
N'ein frantsîve pas lo portse
Câ dâo menistre l'avâi pouâire.
Lo menistre l'étâi de la tampoûna,
recoumandeint de ne min bâire.
On dzo, lo menistre imprudeint
l'a âoblyâ po son prîdzo
de querî quemeint l'è accotoumâ
lo vin po la coumenyion.
Adan s'ein va tot dâocettameint
à la câva de son vesin
Po que lâi balyâi po lo leindèman
on grant pot de clii sant brêvâdzo
"Vu vo prâo bin reindre serviço,
ço di lo vegnolan, mâ po gadzo
vo vé dèmandâ de trinquâ
on verro âo guelyon de ma câva.
Dinse vo porrà me dere
lo quin de mè vin vo volyâ
po la cèlèbrachon."
L'ant guelyenâ à trè bossè
Trè coup tsaque yâdzo de cliia l'îguie bènità
Et lo menistre resta grantein
dein clii galé câro.
Du clii dzo lo menistre a z'û età convertî
bèveint lo vin dâo bon Diû
et l'a soveint recaffe et sè gale
dein la bounna câva dâo bon vesin.

Tiré de "Parmi les ceps et dans les caveaux des pays du
Rhône" du Dr. Francis Messerli

Traduction en patois vaudois de Metsi dâi Rionzonne